



مشیت جلیلہ اسلامیہ نک جریدہ رسیہ سید

جادی الاولیٰ ۱۳۳۴ [*]

عدد: ۲۳

آیدہ بر نشر اول نور

اوپنچی سنہ

زید یری ارض میری واشجاری ملکی اولان باغچه یه متصرف ایکن فوت اولسه
ورثه سی اول اشجاری میراثه ادخاله قادر اولورلرمی الجواب : اولورلر

★
★

قسمت غرماء :

دیونی ترکه سندن ازید اولدینی حالده فوت اولان زیدک دائلری ترکه زیدی دینلرینه
کوره اقسام ایدلم دیدکلرنده زیدک زوجہ سی هند راضیه اولیوب بن زید ذمتده اولان
شو قدر آقہ مهرمی تماما استیفا ایدرم دیو ترکه دن اولقدر آقہ یی تغلبا اخذ ایلسه سائر
داینلر مبلغ مزبور دن هندک حصہ سنہ اصابت ایدن مقدار دن زیادہ سنی هنددن آلمغه قادر
اولورلرمی الجواب : اولورلر .

کماله مهرمی کاظم
عفی



قوا خانہ عالی قرارلری

زوجلرینک وفات ویا طلاق کندیلرینه اخبار ا لنان زوجانک طرز حرکتلری حقنده [*]

زوجہ نك نزدندہ طلاقہ شہادتدہ زوجك حضوری شرط دکلدر .

بناء علیہ ایکی کیمسه زوجہ یه زوجنك کندیسنی بوشادیغہ شہادت ایتدکده زوج فائب
اولدینی تقدیرده بعدالاعتداد زوج آخره وارہ بیلور کذا بر رجل عدل مزبورہ نك نزدندہ

[*] بو بابده لایسکی قضاسی قاضیلکنک ۲۵ صفر ۱۳۲۳ تاریخلی تحریراتی صورتیدر :

جهت عسکریه جه حیات و مماتی مجهول اولوب بالقان محاربه سنده زوجلرینک وقوع وفاتی ادعا
وحضور شرعده بو خصوص اثبات ایدیلہ جکی درمیان اولنمقده ایسه ده شہود استماعی خصومت
شرعیہ نك وجودینہ متوقف اولدینی امر بارز بولمنسنہ و اصول محاکمہ شرعیہ یه متعلق احکام نظامیہ
موجبہ خصم حقیقی دخی تعیین وارانہ سندن عجزی آکلاشلمنہ بناء بالقان محاربه سنده وفاتی ادعا
اولنان بوقبیل افراد عسکرینکده وفات ایدن مأمورین و متقاعدین حقنده تطبیق ایدلکده بولان
بو تعمیماً کوندریلن ۱۸ جمادی الاولی ۱۳۳۰ و ۲۱ مارت ۱۳۳۱ تاریخلی امرنامه حضرت مشیختپناہیلری
وجهله قریہ ویا محلاتلرندن علم و خبر ابرازیلہ و بالاخبار تثبیت و انحصار وراثت ایتدیرلک جائز اولوب
اولادینک اراده سی استرحامنه جرأت قلمشدر اولبابده .

بروجه مشروح شهادت ایتسه ینه زوجه ایناندیغی تقدیرده بعدالاعتداد زوج خره وارده بیلور.
زوجك موتی یاردتی اخبارده دخی ماده آفنهك حكمی جاری اولور .

مخبر فاسق اولدیغی تقدیرده زوجه تحری ایدر .

مخبر زوجی فوت اولمش ایکن کوردیکی یاخود جنازه سنده حاضر اولدیغی افاده
ایتدیکی ویاخود موثوق به اولان کسه دن ایشتدیکی بیان ایلدیکی صورتده زوجه خبرمذ کوره
اعتماد ایده بیلور .

زوج غائب اولوبده بر کیمسه زوجه یه زوج غائبك وفات ایلدیکی اخبار ایتدیکی کی
دیگر ایکی کیمسه دخی زوج مرقومك بر حیات بولندیغی اخبار ایلدکارنده نظر اولنور
ایکی اخبارده دخی تاریخ مذکور اولوب شهود حیات تاریخی مؤخرایسه حیات شاهدلرینك
شهادتلی وجهله عمل اولنور تاریخ بیان اولندیغی صورتده موته شهادت ایدن موتی
معاینه ایتدیکی یاخود جنازه سنده حاضر بولندیغی ویاخود موثوق به اولان کیمسه دن ایشتدیکی
بیان ایتمش وعدل بولمش اولوبده زوجه اینانجه موت خبرینی قبول وبعدالاعتداد دیگر
زوج ایله ازدواج ایده بیلور .

• بو مسئله حقنده زوجه یه صورت آتیده وثیقه ویریه بیلور :

محروسة ادرنه ساکنه لرندن اشبو صاحبة الكتاب فردانه بنت مجلس شرعده تقریر کلام
ایدوب بوندن اقدام زوجم اولوب تاریخ کتابدن درت سنه مقدم ... دیارینه تجارت ایچون متوجه
اولان یوسف بن ... بیک اوچیوز اوتوز ایکی سنه سی محرمك اونجی کونی ذخیردن وفات ایتمش
اولدیغی فلان وفلان علی طریق الشهاده خبر ویردکارنده خبرلرنده تصدیق ایدوب بکا یقین کلسکه
نفسی زوج آخره تزویج ایتك ایچون قبل شرعدن اذن طلب ایدرم دیدکده کتب فقهیه معتبراتدن
کتاب عیونده « اذا اخبر المرأة واحد بموت زوجها او برده او بطلاقه اياها يحل لها ان تتزوج ولو
سمع من هذا الواحد رجل حل له ان يشهد قال لان هذا من الدين فليست بخبر الواحد وان لم يوجد
لفظ الشهادة من شهادة قاضيخان . دخی « اذا غاب الرجل عن امرأته فاخبرها عدل ان زوجها طلقها او مات
عنها فلها ان تعتد وتزوج بزواج آخر وان كان الخبر فاسقاً تحرت وكذا اذا شهد عند المرأة رجل
عدل صدق واذا اخبر واحد بموته جاز لها ان تزوج فاذا سمع اثنان منه يحل لهما ان يشهدا لان
الشهادة في باب الموت يثبت بخبر الواحد وان لم يوجد منه لفظ الشهادة » دیو مسطور . ومصرح اولغین
اشبو نقول صحیحه معتمد علیها ومسائل صریحه معتد بها موجبجه مزبورده فردانهك نفسی زوج آخره
تزویجی جائز اولوب مزبورده فردانهك عدتی کتب فقهیه معتبراتدن درر غررده باب عدته « وعدة
الطلاق والموت تنقضي وان جهلت المرأة بهما وابتدأها عقيبهما » دیو مسطور اولدیغی اوزره عدتی منقضیه
اولیجق مزبورده فردانهك نفسی آخره تزویججه اذن برلهما وقع بالطلب کتب اولندی (بضاعة الحکام
فی احکام الاحکام لحاجب زاده) .

حادثه به بالا طرف جواب اولی اوزره فتواخانه جه تألیف اولنان کتاب الطلاقده کی بعض مسائل مشروحاً تیله برابر بروجه بالا عیناً نقل اولنقله مجلس تدقیقات شرعیه به تودیع قلندی .

۲۱ جمادی الاولی ۱۳۳۴

★
★ ★

امور تولیت حقنده [*]

دیار آخرده بولنان متولی امور تولیتی ایفایه مقتدر و مستقیم بر کیمسه بی کندی طرفدن توکیل ایده بیله جکی کبی توکیل ایتمدیکی تقدیردهده حاکم الشرع او امور تولیتی ایفایه ینه مقتدر و مستقیم بر ذاتی اجر مثلیله قائم مقام متولی نصب ایدر و او صورته شرائط وقفیه اجرا اولنور مع هذا مادامکه وقفیهده محرر اولدینی وجهله متولینک اولاد اولادی موجوددر شو حالده انقراض تحقق ایتمش اولماز اولبابده

★
★ ★

کفن حقنده

کفن ضرورت آنجق عجز زمانه مخصوص وفرض اولان کفن اولوب آنک دخی اقلی جسد میتک مجموعنی سترایدن کفندر یالکز عورت محلی ستر کفایت ایتمز میتک حال

[*] بوبابده کی سؤالک صورتی :

بر بلده اهالیسندن اولان هند اونی اون بر بچی حسابیه علی وجه الحلال استرباح و غله سنی اول بلده نیک مساجد و جوامع و تکایا و مکاتبک ائمه و خطبائنه و مشایخ و معلمین و مؤذنین و سائر قراء مسایمنه صرف و تصدق ایچون وقف ایلدیکی نفودک تولیتی حیآنده اولدجی کندیوه وبعد وفاتها اول بلده اهالیسندن اولان زیده وبعد وفاته بطناً بعد بطن زیدک اولاد اولادینک اکبر وارشدینه و بعد الانقراض اول بلدهده مأذون بالافتا اولان ذاته مشروطه اوله دیو وقفیه سننده تصریح ایدوب بعده هند فوت اولدقدن صکره زید شرط واقفه بناء بر مدت تولیت مذکوریه بالنفس بابرات عالی متصرف اولوب بعده مع عائله مدت سفربعید اولان دیار آخرده توطن و اوتوز سنه اقامت ایتمکله تولیت مذکور حاکم تعیین ایلدیکی قائم مقام اداره اولنه کلکده ایکن زید دخی فوت اولوب اکبر وارشد اولان اوغلی عمرو دخی صغرسندن بری دیار آخرده بولنوب اول بلدهده بولنه مامقوله بالذات خدمت ممکن اولما یوب رأی حاکم سریرینه مالنک مصارفنده تبذیر و اسرافدن غیر مجتنب بکری اقامه ایله تولیتی بر مدت بکره کوردرد کدن صکره اول بلده دار حرب اولوب لکن مکاتب و مساجد و فقراسی حالاموجود اولسه اول بلده نیک مفتیسی زیدک اولادی غائب اولوب بالذات ایفای خدمت ایتمرنده امکان اولما مسیله منقرض حکمنده اولوب شرط مذکور بناء تولیت به مستحق دیو بکر مسرف و مبذری منع و تولیتی ضبط ایتمکله قادر اولورمی؟

حياتنده ايكن كيمسى جائز اولان هرشيدن كفن جائزدر حتى ميتك كوملكنك يقهسى
اتكنه قدر ييرتيلوب قوللري كسيله رك ميتك جميع جسدينى ستر ايتديكى صورتده كفن
اولور جميع بدنى ستر ايتديكى صورتده باشقه بز علاوه سيله اكمل اولنور يكي ياخود
ييقاش اسكى بز كفن اولقده مساويدر فقط ارككلري صارى ياخود قرمزى رنگلى
بز ايله تكفين مكروهدر بو ايكي رنگدن ماعدا هرهانكى رنگده اولورسه اولسون
آنكله رجالى تكفينده كراهت يوقدر مع هذا باشقه رنگده بز بولماديغى تقديرده صارى
ياقرمزى رنگلى بزلردن دخی بلا كراهه كفن جائزدر اولبايد.



قوانين و تقاضات

قانون اساسينك ۵ شعبان ۱۳۲۷ تاريخلى ۷۶ بجى ماده معدلهسى معدل قانون [*]

ماده : ۷۶ - مجلس مبعوثان اعضاسندن هربرينه هر سنه اجتماعى ايچون اللى بيك
غروش تخصيصات و شهرى دوت بيك غروش اوزرندن عزيمت و عودت خرج راهى
ويريلور . مدت اجتماعك تمديدى و مجلسك فوق العاده اجتماعى حالنده آيروجه تخصيصات
ويرلمز . فسخدن صكره اجتماع ايدن مجلس اعضاسنه تخصيصاتك نصفى ويريلور .
مجلس اعيان و مبعوثانجه قبول اولنان اشبولايحه وجه ايله قانون اساسينك تعديلنى اراده ايلدم .
۴ جمادى الاولى ۱۳۳۴ و ۲۵ شباط ۱۳۳۱

محمد رشاد

داخله ناظرى و حربيه و بحريه و ماليه ناظرلى و كىلى	شيخ الاسلام و اوقاف هايون ناظرى	صدر اعظم
طلعت	خبرى	محمد سعيد
نافعه ناظرى	عديله ناظرى و شورى دولت رئيس و كىلى	خارجيه ناظرى
عباس	ابراهيم	خليل
تجارت و زراعت ناظرى	معارف ناظرى و پوسته و تلغراف و تلهفون ناظر و كىلى	احمد شكرى
احمد نسيمى		

★
★ ★

[*] تقويم وقايع ايله نشرى تاريخى : ۷ جمادى الاولى ۱۳۳۴ و ۲۹ شباط ۱۳۳۱ نوسروسى ۲۴۶۶۰